



史記抄卷之二十一

越王勾踐世家

越王本末以卑約發憤於亡吳而伯諸侯情事多懷宛其疆不足

道而范蠡事子疑三易名候時逐利者安也殆功成而身退大約子房者流托赤松以自逃耳

越王勾踐其先禹之苗裔而夏后帝少康之庶子也封

於會稽以奉守禹之祀文身斷髮披草萊而邑焉後二

十餘世至於允常允常之時與吳王闔廬戰而相怨伐

允常卒子勾踐立是為越王元年吳王闔廬聞允常死

乃興師伐越越王勾踐使死士挑戰三行音行至吳陳呼而

自剄吳師觀之越因襲擊吳師吳師敗於攜李射傷吳

王闔廬闔廬且死告其子夫差曰必毋忘越三年勾踐

聞吳王夫差日夜勒兵且以報越越欲先吳未發往伐之范蠡諫曰不可臣聞兵者凶器也戰者逆德也爭者事之末也陰謀逆德好用凶器試身於所末上帝禁之行者不利越王曰吾已決之矣遂興師吳王聞之悉發精兵擊越敗之夫椒越王乃以餘兵五千人保棲於會稽吳王追而圍之越王謂范蠡曰以不聽子故至於此爲之柰何蠡對曰持蒲者與天定傾者與人節事者以地卑辭厚禮以遺之不詐而身與之市勾踐曰諾乃令大夫種行成於吳膝行頓首曰君王亡臣勾踐使陪臣種敢告下執事勾踐請爲臣妻爲妾吳王將許之子胥

言於吳王曰：「天以越賜吳，勿許也。」種還以報勾踐。勾踐欲殺妻子，燔寶器，觸戰以死。種止勾踐曰：「夫吳太宰嚭貪，誘以利，請間行言之。」於是勾踐乃以美女寶器令種間獻吳太宰嚭。嚭受，乃見大夫種於吳王。種頓首言曰：「願大王赦勾踐之罪，盡入其寶器，不幸不赦，勾踐將盡殺其妻子，燔其寶器，五千人觸戰，必有當也。」嚭因說吳王曰：「越以服爲臣，若將赦之，此國之利也。」吳王將許之。子胥進諫曰：「今不滅越，後必悔之。」勾踐賢君，種、蠡良臣，若反國將爲亂。吳王弗聽。卒赦越，罷兵而歸。勾踐之困會稽也，喟然嘆曰：「吾終於此乎？」種曰：「湯繫夏臺，文王囚

姜里晉重耳奔翟齊小白犇莒其卒王霸由是觀之何
遽不爲福乎吳既赦越越王勾踐反國乃苦身焦思置
膽於坐坐卧即仰膽飲食亦嘗膽也曰女忘會稽之耻
邪身自耕作夫人自織食不加肉衣不重采折節下賢
人厚遇賓客振貧弔死與百姓同其勞欲使范蠡治國
政蠡對曰兵甲之事種不如蠡鎮撫國家新附百姓蠡
不如種於是舉國政屬大夫種而使范蠡與大夫柘稽
行成爲質於吳二歲而吳歸蠡勾踐自會稽歸七年拊
循其士民士民欲用以報吳大夫逢同諫曰國新流亡
今乃復殷給繕飾備利吳懼則懼必難必至且鷺鳥之

擊也。必匿其形。今夫吳兵加齊晉，怨深於楚越，名高天下，實害周室。德少而功多，必淫自矜。爲越計，莫若結齊親楚，附晉以厚吳。吳之志廣，必輕戰。是我連其權，三國伐之。越承其弊，可克也。勾踐曰：「善。」居二年，吳王將伐齊。子胥諫曰：「未可。」臣聞勾踐食不重味，與百姓同苦樂，此人不死，必爲國患。吳有越腹心之疾，齊與吳疥癢也。願王釋齊先越。吳王弗聽。遂伐齊，敗之艾陵，虜齊高國以歸。讓子胥。子胥曰：「王母喜，王怒。」子胥欲自殺。王聞而止之。越大夫種曰：「臣觀吳王政驕矣，請試嘗之。」貸粟以卜其事。請貸。吳王欲與。子胥諫勿與。王遂與之。越乃私喜。

五我字上若
字應之思

子胥言曰王不聽諫後三年吳其墟乎太宰嚭聞之乃
數與子胥爭越議因讒子胥曰伍員貌忠而實忍人其
父兄不顧安能顧王王前欲伐齊負彊諫已而有功用
是反怨王王不備伍員必爲亂與逢同共謀讒之王
王始不從乃使子胥於齊聞其託子於鮑氏王乃大怒
曰伍員果欺寡人欲反使人賜子胥屬鏹劍以自殺子
胥大笑曰我令而父霸我又立若若初欲分吳國半予
我我不受已今若反以讒誅我嗟乎嗟乎一人固不能
獨立報使者曰必取吾眼置吳東門以觀越兵入也於
是吳任嚭政君三年勾踐召范蠡曰吳已殺子胥導護

習流當是習
校內揖人
習流者故之罪人
使一習戰任為年
仙此世御設理
至之官存軍有
敢掌者

者衆可乎對曰未可至明年春吳王北會諸侯於黃池
吳國精兵從王惟獨老弱與太子留守勾踐復問范蠡
蠡曰可矣乃發習流二千教士四萬人君子六千人諸
御千人伐吳吳師敗遂殺吳太子吳告急於王王方會
諸侯于黃池懼天下聞之乃祕之吳王已盟黃池乃使
人厚禮以請成越越自度亦未能滅吳乃與吳平其後
四年越復伐吳吳士民罷弊輕銳盡死於齊晉而越大
破吳因而留圍之三年吳師敗越遂復棲吳王於姑蘇
之山吳王使公孫雄肉袒膝行而前請成越王曰孤臣
夫差敢布腹心異日嘗得罪於會稽夫差不敢逆命得

與君王成以歸。今君王舉玉趾而誅孤臣。孤臣惟命是聽。意者亦欲如會稽之赦孤臣之罪乎。勾踐不忍。欲許之。范蠡曰。會稽之事。天以越賜吳。吳不取。今天以吳賜越。越其可逆天乎。且夫君王蚤朝晏罷。非爲吳邪。謀之二十二年。一旦而棄之。可乎。且夫天與弗取。反受其咎。伐柯者其則不遠。君忘會稽之厄乎。勾踐曰。吾欲聽子言。吾不忍其使者。范蠡乃鼓進兵。曰。王已屬政於執事。使者去。不者且得罪。吳使者泣而去。勾踐憐之。乃使人謂吳王曰。吾置王甬東。君百家。吳王謝曰。吾老矣。不能事君。王遂自殺。乃蔽其面曰。吾無面以見子胥也。越王

快極

善詞奇矯
人用之不覺
其妙

乃葬吳王而誅太宰嚭。勾踐已平吳，乃以兵比渡淮，與
齊、晉諸侯會於徐州，致貢於周。周元王使人賜勾踐胙
命，為伯。勾踐已去，渡淮南，以淮土地與楚。歸吳所侵宋
地於宋，與魯泗水東方百里。當是時，越兵橫行於江淮東
諸侯。畢賀號稱霸王。范蠡遂去，自齊遺大夫種書曰：蜚
鳥盡，良弓藏；狡兔死，走狗烹。越王為人，長嘯鳥喙，可與
共患難，不可與樂。子何不去？種見書，稱病不朝。人或讒
種，且作亂。越王乃賜種劍，曰：子教寡人伐吳，七術寡人
用其三。是已貴其諛臣使之易伐也。賂吳太宰嚭是已。
堅甲利兵，以乘其弊也。籍兵二十年，而后伐吳，是已。
而敗吳，其四在子。子為我從

又一日夫差之

按此世舊解俱誤
大意謂韓魏攻楚
必不而後年殺將
之勢而僅能持楚
之邑耳故多城而
欲使連兵攻楚則
易為力也
越王下表臣等之

先王試之種遂自殺勾踐卒子王鼫與立王鼫與卒子
王不壽立王不壽卒子王翁立王翁卒子王翳立王翳
卒子王之侯立王之侯卒子王無疆立王無疆時越興
師北伐齊西伐楚與中國爭疆當楚威王之時越北伐
齊齊威王使人說越王曰越不伐楚大不王小不伯圖
越之所為不伐楚者為不得晉也韓魏固不攻楚韓之
攻楚覆其軍殺其將則葉陽翟危魏亦覆其軍殺其將
則陳上蔡不安故二晉之事越也不至於覆軍殺將馬
汗之力不效所重於得晉者何也越王曰所求於晉者
不至頓刃接兵而况于攻城圍邑乎願魏以聚大梁之

求于晉者則荆楚
官兵以助我攻也
楚也但荆楚聚
兵打境上以分楚
之敵使彼有所牽
制則可矣晉秦魏
觀以自志於楚
耳

下願齊之試兵南陽莒地以聚常郟之境則方城之外
不南淮泗之間不東商於析鄆宋胡之地夏路以左不
足以備秦江南泗上不足以待越矣則齊秦韓魏得志
於楚也是二晉不戰而分地不耕而穫之不此之爲而
頓刃於河山之間以爲齊秦用所待者如此其失計柰
何其以此王也齊使者曰幸也越之不亡也吾不貴其
用智之如目見毫毛而不見其睫也今王知晉之失計
而不自知越之過是目論也王所待於晉者非其汗馬
之力也又非可與合軍連和也將待之以分楚衆也今
楚衆已分何待於晉越王曰柰何曰楚三大夫張九軍

按舊注復其
復了聲雙名
小雙牛邑名

北圖曲沃於中。以至無假之關者。三千七百里。景翠之
軍。北聚魯齊南陽。分有大此者乎。且王之所求者。關。晉
楚也。晉楚不關。越兵不起。是知二五而不知十也。此時
不攻楚。臣以是知越大不王。小不伯。復讎。麗。長沙。楚之
粟也。竟澤陵。楚之材也。越窺兵通無假之關。此四邑者
不上貢事於郢矣。臣聞之。圖王不王。其敝可以伯。然而
不伯者。王道失也。故願大王之轉攻楚也。於是越遂釋
齊而伐楚。楚威王興兵而伐之。大敗越。殺王無彊。盡取
故吳地。至浙江。北破齊於徐州。而越以此散。諸族子爭
立。或爲王。或爲君。濱於江南海上。服朝於楚。後七世至

范蠡在貨殖傳
中功名則附之越世
家太史公作史序
也

高云不進不退亦
存利亡功名富
貴然以浮雲幻
影視焉必有
虛耳

閩君搖佐諸侯平秦漢高帝復以搖爲越王以奉越後
東越閩君皆其後也范蠡事越王勾踐旣苦身戮力與
勾踐深謀二十餘年竟滅吳報會稽之耻北渡兵於淮
以臨齊晉號令中國以尊周室勾踐以霸而范蠡稱上
將軍還反國范蠡以爲大名之下難以久居且勾踐爲
人可與同患難與處安爲書辭勾踐曰臣聞主憂臣勞
主辱臣死昔者君王辱於會稽所以不死爲此事也今
旣以雪耻臣請從會稽之誅勾踐曰孤將與子分國而
有之不然將加誅于子范蠡曰君行令臣行意乃裝其
輕寶珠玉自與其私徒屬乘舟浮海以行終不反於是

應前是范蠡
一生學問

勾踐表會稽山。以爲范蠡奉邑。范蠡浮海出齊。變姓名。自謂鴟夷子皮。耕於海畔。苦身戮力。父子治產。居無幾何。致產數千萬。齊人聞其賢。以爲相。范蠡喟然嘆曰。居家則致千金。居官則至卿相。此布衣之極也。久受尊名。不祥。乃歸相印。盡散其財。以分與知友鄉黨。而懷其重寶。間行以去。止于陶。以爲此天下之中。交易有無之路。通爲生。可以致富矣。於是自謂陶朱公。復約要父子耕畜。廢居。候時轉物。逐什一之利。居無何。則致貲累巨萬。天下稱陶朱公。序朱公居陶以下千年來獨班固歐陽脩能如是摹寫朱公居陶。生少子。少子及壯。而朱公中男殺人。囚於楚。朱公曰。殺

人而死職也。然吾聞千金之子不死於市，告其少子往視之。乃裝黃金千溢，置褐器中，載以一牛車，且遣其少子。朱公長男固請欲行，朱公不聽。長男曰：「家有長子曰家督，今弟有罪，大人不遣，乃遣少弟，是吾不肖，欲自殺其母。」爲言曰：「今遣少子，未必能生中子也，而先空亡長男，柰何？」朱公不得已而遣長子，爲一封書遺故所善莊生。曰：「至，則進千金于莊生，所聽其所爲，慎無與爭事。」長男旣行，亦自私齎數百金。至楚，莊生家負郭，披藜藿到門，所甚貧。然長男發書進千金，如其父言。莊生曰：「可疾去矣，慎毋留。」即弟出，勿問所以然。長男旣去，不過莊生。

而私留以其私齎獻遺楚國貴人用事者莊生雖居窮先後閭然以廉直聞於國自楚王以下皆師尊之及朱公進金非有意受也欲以成事後復歸之以爲信耳故金至謂其婦曰此朱公之金有如病不宿誠後復歸勿動而朱公長男不知其意以爲殊無短長也莊生間時入見楚王言某星宿某此則害於楚楚王素信莊生曰今爲奈何莊生曰獨以德爲可以除之楚王曰生休矣寡人將行之王乃使使者封三錢之府楚貴人驚告朱公長男曰王且赦曰何以也曰每王且赦常封三錢之府昨暮王使使封之朱公長男以爲赦弟固當出也重千金

竟字奇
為同公丹物

虛棄莊生無所為也。乃復見莊生。莊生驚曰：「若不去邪？」
長男曰：「固未也。初為事弟，弟今議自赦，故辭生去。」莊生
知其意，欲復得其金，曰：「若自入室取金，長男即入室取
金持去，獨自歡幸。」莊生羞為兒子所賣，乃入見楚王曰：「
臣前言某星事，王言欲以脩德報之。今臣出，道路皆言
陶之富人朱公之子殺人囚楚，其家多持金賂王左右，
故王非能恤楚國而赦，乃以朱公子故也。」楚王大怒曰：「
寡人雖不德耳，柰何以朱公之子故而施惠乎？」令論殺
朱公子。明日遂下赦令。朱公長男竟持其弟喪歸，至其
母及邑人盡哀之。唯朱公獨笑曰：「吾固知必殺其弟也。」

一本俱字作居
字

他本作北字

彼非不愛其弟。顧有所不能忍者也。是少與我俱見苦。
爲生難。故重弃財。至如少弟者。生而見我富。乘堅驅良。
逐狡兔。豈知財所從來。故輕去之。非所惜者。前日吾所
爲欲遣少子。固爲其能弃財故也。而長者不能。故卒以
殺其弟。事之理也。無足悲者。吾日夜固以望其喪之來
也。故范蠡三徙成名於天下。非苟去而已。所止必成名。
卒老死于陶。故世傳曰陶朱公。

太史公曰。禹之功大矣。漸九川。定九州。至于今。諸夏艾
安。及苗裔勾踐。苦身焦思。終滅彊吳。此觀帙國以尊周。
室。號稱霸王。勾踐可不謂賢哉。蓋有禹之遺烈焉。范蠡

疑是北字

三遷皆有榮名。名重後世。臣主若此。欲毋顯得乎。

越王勾踐世家終

史記卷之二十一

史記抄卷二十二

趙世家

趙世家以趙衰所由始及所由中絕與簡子所由興如畫而武靈王胡服以招騎其

所北卻林胡樓煩併中山以西通雲中九原於以窺秦可謂英武矣惜也不幸中覺而沮至於兩立公子分王其地遂亡沙丘宮悲夫。約從以攻秦及廉頗藺相如趙奢李牧并平原君之事各見本傳故於世家不及

此叙氏註自
最為詳核

趙氏之先與秦共祖至中衍為帝大戊御其後世蜚廉

有子二人而其命一子曰惡來事紂為周所殺其後為

秦惡來弟曰季勝其後為趙季勝生孟增孟增幸於周

成王是為宅地名周成王居于此臯狼生衡父敬王宅事衡父生造父造父幸於

周繆王造父取驥之乘匹與桃林盜驪驊騮綠耳獻之

徐偃王與楚文王同
時去周穆王遠矣
此事非家也

繆王繆王使造父御西巡狩見西王母樂之忘歸而徐
偃王反繆王日馳千里馬攻徐偃王大破之乃賜造父
以趙城由此爲趙氏自造父已下六世至奄父曰公仲
周宣王時伐戎爲御及千畝戰奄父脫宣王奄父生叔
帶叔帶之時周幽王無道去周如晉事晉文侯始建趙
氏於晉國自叔帶以下以趙宗益興五世而趙夙晉
獻公十六年伐霍魏耿而趙夙爲將伐霍霍公求犇齊
晉大旱卜之曰霍太山爲祟使趙夙召霍君於齊復之
以奉霍太山之祀晉復穰晉獻公賜趙夙夙生共孟
當魯閔公元年也共孟生趙衰字子餘趙衰卜事晉獻

此段描寫極工

驪姬之亂

公及諸公子莫吉卜事公子重耳吉即事重耳重耳以

伏后案

少女妻重耳長女妻趙衰而生盾初重耳在晉時趙衰

妻亦生趙同趙括趙嬰齊趙衰從重耳出亡凡十九年

得反國重耳為晉文公趙衰為原大夫居原任國政文

公所以反國及霸多趙衰計策語在晉事中趙衰既反

晉晉之妻固要迎翟妻計而以其子盾為適嗣晉妻三子

亦人情所難免

皆下事之晉襄公之六年而趙衰卒諡為成季趙盾代

成季任國政二年而晉襄公卒太子夷臯年少盾為國

多難欲立襄公弟雍雍時在秦使使迎之太子母日夜

帝泣頰首謂趙盾曰先君何罪釋其適子而更求君趙

盾患之恐其宗與大夫襲誅之廼遂立太子是為靈公

發兵距所迎襄公弟於秦者靈公既立趙盾益專國政

盾執國以晉多難而欲立弟雍非襄公之命不可及其

自為迎之秦已而因太子毋所請後自為拒之秦太子

夷臯雖得立焉知其不與盾相猜忌乎而異日喉癢之

亂其由來遠矣以臣之益專輔君之益驕而又驟諫焉

夫靈公立十四年益驕趙盾驟諫靈公弗聽及食熊蹯

胹不熟殺宰人持其尸出趙盾見之靈公由此懼欲殺

盾盾素仁愛人常所食桑下餓人反打收盾盾以得亡

未出境而趙穿弑靈公而立襄公弟黑臀是為成公趙

盾復反任國政君子譏盾為正卿亡不出境反不討賊

大妻春秋時
似禘禘夫人

此將即非春秋
時字句

故太史書曰趙盾弑其君盾亡不越境可也及不討賊過矣而又任國政弑其君

而偃然於群卿大夫士之上可乎哉晉景公時而趙盾

卒謚為宣孟子朔嗣趙朔晉景公之三年朔為晉將下

軍救鄭與楚莊王戰河上朔娶晉成公姊為夫人晉景

公之三年大夫屠岸賈欲誅趙氏初趙盾在時夢見叔

帶持要而哭甚悲已而笄拊手且歌盾卜之兆絕而後

好趙史援占之曰此夢甚惡非君之身乃君之子然亦

君之咎至孫趙將世益衰屠岸賈者始有寵於靈公及

至於景公而賈為司寇將作難乃治靈公之賊以致趙

盾徧告諸將曰盾雖不知猶為賊首以臣弑君子孫在

史記卷一百一十五
趙世家第二十五

賈以穿我君故
欲滅趙氏王言不
差乃心人目為奸
惡冤矣

朝何以懲臯請誅之韓厥曰靈公遇賊趙盾在外吾先
君以為無罪故不誅今諸君將誅其後是非先君之意
而今妄誅妄誅謂之亂臣有大事而君不聞是無君也
屠岸賈不聽韓厥告趙朔趣亡朔不肯曰子必不絕趙
祀朔死不恨韓厥許諾稱疾不出賈不請而擅與諸將
攻趙氏於下宮殺趙朔趙同趙括趙嬰齊皆滅其族趙
朔妻成公姊有遺腹走公宮匿趙朔客曰公孫杵曰杵
曰謂朔友人程嬰曰胡不死程嬰曰朔之婦有遺腹若
幸而男吾奉之即女也吾徐死耳居無何而朔婦免身
生男屠岸賈聞之索於宮中夫人置兒絝中祝曰趙宗

朔當亡

仇後立孫兒案

一。篇。脉。

應前

○堪。書。證。

杵曰嬰或必有
其人第傳言或
微才傳會

滅乎。若號。即不滅。若無聲。及索兒。竟無聲。已脫。程嬰謂
公孫杵曰。曰。今一索不得。後必且復索之。柰何。公孫杵
曰。曰。立孤與死孰難。程嬰曰。死易。立孤難耳。公孫杵曰。
曰。趙氏先君遇子厚。子彊為其難者。吾為其易者。堪。書。請先
死。乃二人謀。取他人嬰兒。負之衣以文葆。匿山中。程嬰
出。謬謂諸將軍曰。嬰不肖。不能立趙孤。誰能與我千金。
吾告趙氏孤處。諸將皆喜。許之。發師隨程嬰。攻公孫杵。
曰。杵曰。謬曰。小人哉。程嬰昔下宮之難。不能死。與我謀。
匿趙氏孤兒。今又賣我。縱不能立。而忍賣之乎。抱兒呼。
曰。天乎。天乎。趙氏孤兒何罪。請活之。獨殺杵曰。可也。諸

鍾云趙氏真孤
乃在二句截
佳喚醒有力

將不許遂殺杵臼與孤兒諸將以爲趙氏孤兒良已死
皆喜然趙氏真孤乃反在程嬰卒與俱匿山中居十五
年晉景公疾卜之大業之後不遂者爲祟景公問韓厥
厥知趙孤在乃曰大業之後在晉絕祀者其趙氏乎夫
自中衍者皆嬴姓也衍人面鳥喙降佐殷帝大戊及周
天子皆有明德下及幽厲無道而叔帶去周適晉事先
君文侯至於成公世有立功未嘗絕祀今吾君獨滅趙
宗國人哀之故見龜策唯君圖之景公問趙尚有後子
孫乎韓厥具以實告於是景公乃與韓厥謀立趙孤兒
召而匿之宮中諸將入問疾景公因韓厥之衆以脅諸

愈出愈奇
此二孤奇子凡
元精破信滿

將而見趙孤趙孤名曰武諸將不得已乃曰昔下宮之

難屠岸賈爲之矯以君命并命羣臣非然孰敢作難微

君之疾羣臣固且請立趙後今君有命羣臣之願也於

是召趙武程嬰徧拜諸將遂反與程嬰趙武攻屠岸賈

滅其族復與趙武田邑如故及趙武冠爲成人程嬰乃

辭諸大夫謂趙武曰昔下宮之難皆能死我非不能死

我思立趙氏之後今趙武旣立爲成人復故位我將下

報趙宣孟與公孫杵臼趙武啼泣頓首固請曰武願苦

筋骨以報子至死而子忍去我死乎程嬰曰不可彼以

我爲能成事故先我死今我不報是以我事爲不成遂

長四百廿

鍾○馨○餘○音○

自○殺○趙○武○服○齊○襄○三○年○爲○之○祭○邑○春○秋○祠○之○世○世○勿○絕○

趙○氏○復○位○十○一○年○而○晉○厲○公○殺○其○大○夫○三○卻○欒○書○畏○及○

乃○遂○殺○其○君○厲○公○更○立○襄○公○魯○孫○周○是○爲○悼○公○晉○出○此○

大○夫○稍○彊○趙○武○續○趙○宗○二○十○七○年○晉○平○公○立○平○公○十○二○

年○而○趙○武○爲○正○卿○十○三○年○吳○延○陵○季○子○使○於○晉○曰○晉○國○

叔向知晉后事乃不為國所而私相料乎

附

之○政○卒○歸○於○趙○武○子○韓○宣○子○魏○獻○子○之○後○矣○趙○武○死○謚○

爲○文○子○文○子○生○景○叔○景○叔○之○時○齊○景○公○使○晏○嬰○於○晉○晏○

嬰○與○晉○叔○向○語○嬰○曰○齊○之○政○後○卒○歸○田○氏○叔○向○亦○曰○晉○

國○之○政○將○歸○六○卿○六○卿○侈○矣○而○吾○君○不○能○恤○也○趙○景○叔○

卒○生○趙○鞅○是○爲○簡○子○趙○簡○子○在○位○晉○頃○公○九○年○簡○子○將○

楊慎曰五步
語怪而奇

合諸侯戍于周其明年入周敬王于周辟弟子朝之故也。晉頃公十二年六卿以法誅公族祁氏羊舌氏分其邑爲十縣六卿各令其族爲之大夫。晉公室由此益弱。後十三年魯賊臣陽虎來奔趙簡子受賂厚遇之。趙簡子疾五日不知人大夫皆懼醫扁鵲視之出董安于問扁鵲曰血脉治也而何怪在。昔秦繆公嘗如此七日而寤寤之日告公孫支與子輿曰我之帝所甚樂吾所以久者適有學也。帝告我晉國將大亂五世不安其後將霸未老而死霸者之子且令而國男女無別。公孫支書而藏之。秦讖於是出矣。獻公之亂文公之霸而襄公敗

春秋左傳卷之二十一

七

贏姓也因人謂
衛也川阜曰魁

秦師於殽而歸縱淫此子之所聞今主君之疾與之同
不出三日疾必聞間必有言也居二日半妙簡子寤語大
夫曰本史公載此詩可證我之帝所甚樂與百神游於鈞天廣樂九奏萬舞
不類三代之樂其聲動人心有一熊欲來援我帝命我
射之中熊熊死又有一羆來我又射之中羆羆死帝甚
喜賜我二笥皆有副吾見兒在帝側帝屬我一翟犬曰
及而子之壯也以賜之帝告我晉國且世衰七世而亡
嬴姓將大敗周人於范魁之西而亦不能有也今余思
虞舜之勲適余將以其胄女孟姚配而七世之孫董安
于受言而書藏之以扁鵲言告簡子簡子賜扁鵲田四

若曰吾有三友
曾見子矣
明晰也然記不
起是遇易中
人語妙

萬畝他日簡子出有人當道辟之不去從者怒將刃之
當道者曰吾欲有謁於主君從者以聞簡子召之曰謁
吾有所見子晰也當道者曰屏左右願有謁簡子屏人
當道者曰主君之疾臣在帝側簡子曰然有之子之見
我我何爲當道者曰帝令主君射熊與羆皆死簡子曰
是且何也當道者曰晉國且有大難主君首之帝令主
君滅二卿夫熊與羆皆其祖也范氏中行氏之祖也趙
之后數傳本末一夢俱
了哉簡子曰帝賜我二筭皆有剖何也當道者曰主君
之子將克二國於翟皆子姓也簡子曰吾見兒在帝側
帝屬我一翟犬曰及而子之長以賜之夫兒何謂以賜

翟犬當道者曰兒主君之子也。翟犬者代之先也。主君之子且必有代。及主君之後嗣。且有革政而胡服。并二國於翟。簡子問其姓。而延之以官。當道者曰臣野人。致帝命耳。遂不見。簡子書藏之府。異日姑布子卿見簡子。簡子徧召諸子相之。子卿曰無爲將軍者。簡子曰趙氏其滅乎。子卿曰吾嘗見一子於路。殆君之子也。簡子召子母卹。母卹至則子卿起曰此真將軍矣。簡子曰此其母賤。翟婢也。奚道貴哉。子卿曰天所授。雖賤必貴。自是之後。簡子盡召諸子與語。母卹最賢。簡子乃告諸子曰。吾藏寶符於常山上。先得者賞。諸子馳之常山上。求無

刪世攝原故只
必仇人二字孫

所得母卹還曰已得符矣簡子曰奏之母卹曰從常山
上臨代○應○夢○占○代可取也簡子於是知母卹果賢乃廢太子伯
魯而以母卹爲太子後二年晉定公之十四年范中行
作亂明年春簡子謂邯鄲大夫午曰歸我衛士五百家
吾將置之晉陽午許諾歸而其父兄不聽倍言趙鞅捕
午囚之晉陽乃告邯鄲人曰我私有誅午也諸君欲誰
立遂殺午趙稷涉賓以邯鄲反晉君使籍秦圍邯鄲荀
寅范吉射與午善不肯助秦而謀作亂董安于知之十
月范中行氏伐趙鞅鞅奔晉陽晉人圍之范吉射荀寅
仇人魏襄等謀逐荀寅以梁嬰父代之逐吉射以范臯

釋代之。荀躒言於晉侯曰：君命大臣始亂者死。今三臣始亂而獨逐鞅，用刑不均，請皆逐之。十一月，荀躒、韓不佞、魏哆奉公命以伐范中行氏，不克。范中行氏反伐公，擊之。范中行敗走。丁未，二子奔朝歌。韓魏以趙氏爲請，十二月辛未，趙鞅入絳，盟于公宮。其明年，知伯文子謂趙鞅曰：范中行雖信爲亂，安于發之，是安于與謀也。晉國有法：始亂者死。夫二子已伏罪，而安于獨在。趙鞅患之。安于曰：臣死，趙氏定。晉國寧，吾死晚矣。遂自殺。趙氏以告知伯，然後趙氏寧。孔子聞趙簡子不請晉君而執邴鄆午，保晉陽，故書春秋曰：趙鞅以晉陽畔。趙簡子

有臣曰周舍好直諫周舍死簡子每聽朝常不悅大夫請臯簡子曰大夫無罪吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也簡子由此能附趙邑而懷晉人晉定公十八年趙簡子圍范中行于朝歌中行文子奔邯明年衛靈公卒簡子與陽虎送衛太子蒯聵于衛衛不內居戚晉定公二十一年簡子拔邯鄲中行文子奔栢人簡子又圍栢人中行文子范昭子遂奔齊趙竟有邯鄲栢人范中行餘邑入于晉趙名晉熒實專晉權奉邑作於諸侯晉定公三十年定公與吳王夫差爭長於黃池趙簡子從晉定公卒

按文此臧方逃
誤

詞同詬耻辱也

長吳定公三十七年卒而簡子除三年之喪期而已是
歲越王勾踐滅吳晉出公十一年知伯伐鄭趙簡子疾
使太子毋卹將而圍鄭知伯醉以酒灌擊毋卹毋卹羣
臣請死之母卹曰君所以置母卹爲能忍訕然亦愠知
伯知伯歸因謂簡子使廢母卹簡子不聽母卹由此怨
知伯晉出公十七年簡子卒太子毋卹代立是爲襄子
趙襄子元年越圍吳襄子降喪食使楚隆問吳王襄子
姊前爲代王夫人簡子旣葬未除服北登夏屋請代王
使厨人操銅料以食代王及從者行斟陰令宰人各以
料擊殺代王及從宦遂興兵平代地其姊聞之泣而呼

四首多已奇
更著此二西
齊之又奇

天摩笄自殺。代人憐之。所死地名之爲摩笄之山。遂以
代封伯魯。子周爲代成君。伯魯者。襄子兄故太子。太子
蚤死。故封其子。襄子立四年。知伯與趙韓魏盡分其范
中行故地。晉出公怒。告齊魯。欲以伐四卿。四卿恐。遂共
攻出公。出公奔齊。道死。知伯乃立昭公曾孫驕。是爲懿
公。知伯益驕。請地韓魏。韓魏與之。請地趙。趙不與。以其
圍鄭之辱。知伯怒。遂率韓魏攻趙。趙襄子懼。乃奔保晉
陽。原過從後。至於王澤。見三人。自帶以上可見。自帶以
下不可見。與原過竹二節。莫通曰。爲我。以是遺趙毋卹。
原過旣至。以告襄子。襄子齊三日。親自剖竹。有朱書曰。

高云晉陽多國
策所銘甚詳
而史公皆不
載然取三神
高云倂怪事
蓋為好為并門
耳

國策作張孟
談三者史遷
之父名遷例
改為同

趙毋卹余霍泰山山陽侯天使也且應且伏三月丙戌余將使女
滅知氏女亦立我百邑余將賜女林胡之地至于後世
且有仇王亦黑龍面而鳥鬚麋髭顙大膺大脣脩下
而馮左袵界乘奄有河宗至于休溷諸貉南伐晉別北
滅黑姑襄子再拜受三神之令三國攻晉陽歲餘引汾
水灌其城城不浸者三版城中懸釜而炊易子而食羣
臣皆有外心禮益慢唯高共不敢失禮襄子懼乃夜使
相張孟同私於韓魏韓魏與合謀以三月丙戌三國反
滅知氏共分其地於是襄子行賞高共為上張孟同曰
晉陽之難唯其無功襄子曰方晉陽急羣臣皆懈惟其

不敢失人臣禮是以先之應前於是趙北有代南并知氏疆

於韓魏遂祠三神應於百邑使原過主霍泰山祠祀其後

娶空同氏生五子襄子為伯魯之不立也不肯立子且

必欲傳位與伯魯子代成君成君先死乃取代成君子

浣立為太子趙襄子舍其子而立兄之子浣亦庶幾吳壽夢宋宣公之風也已襄子立

三十三年卒浣立是為獻侯獻侯少即位治中牟襄子

弟桓子逐獻侯自立於代一年卒國人曰桓子立非襄

子意乃共殺其子而復迎立獻侯十年中山武公初立

十三年城平邑十五年獻侯卒子烈侯籍立烈侯元年

魏文侯伐中山使太子擊守之六年魏韓趙皆相立為

史記卷一百一十五

諸侯追尊獻子爲獻侯。烈侯好音。謂相國公仲連曰：寡人有愛，可以貴之乎？公仲曰：富之可貴，之則否。烈侯曰：然。夫鄭歌者，槍石二人，吾賜之田，人萬畝。公仲曰：諾。不與。居一月，烈侯從代來，問歌者。田公仲曰：求未有可者。有頃，烈侯復問公仲：終不與，乃稱疾不朝。番吾君自代來，謂公仲曰：君實好善，而未知所持。今公仲相趙，於今四年，亦有進士乎？公仲曰：未也。番吾君曰：牛畜、荀欣、徐越皆可。公仲乃進三人。及朝，烈侯復問歌者。田何如？公仲曰：方使擇其者。牛畜侍烈侯以仁義，約以王道。烈侯道然，明日荀欣侍。以選練舉賢，任官使能。明日徐越侍。

以節財儉用察度功德所與無不充君說烈侯使使謂

相國曰歌者之田且止官牛畜爲師荀欣爲中尉徐越

爲內史

公仲止歌者田而進三子有古大臣賜相國衣風而烈侯能用其言趙之興也宜已

二、襲九年烈侯卒弟武公立武公十三年卒趙復立烈

侯太子章是爲敬侯是歲魏文侯卒敬侯元年武公子

朝作亂不克出奔魏趙始都邯鄲二年敗齊于靈丘三

年救魏于廩丘大敗齊人四年魏敗我兔臺築剛平以

侵衛五年齊魏爲衛攻趙取我剛平六年借兵於楚伐

魏取棘蒲八年拔魏黃城九年伐齊齊伐燕趙救燕十

年與中山戰于房子十一年魏韓趙共滅晉分其地伐

中山又戰於中人十二年敬侯卒子成侯種立成侯元年公子勝與成侯爭立爲亂二年六月雨雪三年大戊午爲相伐衛取卿邑七十三魏敗我藺四年與秦戰高安敗之五年伐齊于鄆魏敗我懷攻鄭敗之以與我長子六年中山築長城伐魏敗涿澤圍魏惠王七年侵齊至長城與韓攻周八年與韓分周以爲兩九年與齊戰阿下十年攻衛取甄十一年秦攻魏趙救之石阿十二年秦攻魏少梁趙救之十三年秦獻公使庶長國伐魏少梁虜其太子座魏敗我澮取皮牢成侯與韓昭侯遇上黨十四年與韓攻秦十五年助魏攻齊十六年與韓魏分晉

封晉君以端氏十七年成侯與魏惠王遇葛孽十九年
與齊宋會平陸與燕會阿二十年魏獻榮祿因以爲檀
臺二十一年魏圍我邲卅二十二年魏惠王拔我邲卅
齊亦敗魏於桂陵二十四年魏歸我邲卅與魏盟漳水
上秦攻我蘭二十五年成侯卒公子緹與太子肅侯爭
立緹敗亡奔韓肅侯元年奪晉君端氏徙處屯留二年
與魏惠王遇於陰晉三年公子范襲邲卅不勝而死四
年朝天子六年攻齊拔高唐七年公子刻攻魏首垣十
一年秦孝公使商君伐魏虜其將公子卬趙伐魏十二
年秦孝公卒商君死十五年起壽陵魏惠王卒十六年

蘇秦說趙肅侯

爲縱首以擯秦

何以不書

不書

肅侯游大陵。出於鹿門。大戊午扣馬曰耕。事方急。一日不作。百日不食。肅侯下車謝。十七年。圍魏黃不克。築長

城。十八年。齊魏伐我。我決河水灌之。兵去。城未聞決水灌

灌軍也。豈即韓信。囊沙意乎。二十二年。張儀相秦。趙疵與秦戰。敗秦

殺疵河西。取我蔺離石。二十三年。韓舉與齊魏戰。死于

桑丘。二十四年。肅侯卒。秦楚燕齊魏出銳師各萬人來

會葬。名葬子武靈王立。武靈王元年。陽文君趙豹相。梁襄王

與太子嗣。韓宣王與太子倉來朝信宮。武靈王少。未能聽

政。博聞師三人。左右司過二人。及聽政。先問先王貴臣

肥義。加其秩。國三老。年八十。月致其禮。三年。城鄣。四年。

與韓會于區鼠。五年，娶韓女爲夫人。八年，韓擊秦，不勝而去。五國相王。趙獨否，曰：「無其實，敢處其名乎？」令國人謂已曰「君」。九年，與韓、魏共擊秦，秦敗我，斬首八萬級。齊敗我觀澤。十年，秦取我西都及中陽。齊破燕，燕相子之爲君。君反爲臣。十一年，王召公子職於韓，立以爲燕王，使樂池送之。十三年，秦拔我藺。虜將軍趙莊、楚魏王來過邯鄲。十四年，趙何攻魏。十六年，秦惠王卒，王遊大陵。他日，王夢見處女鼓琴而歌，詩曰：「美人熒熒兮，顏若茗之榮。命乎命乎，曾無我贏。」異日，王飲酒樂，數言所夢想見其狀。吳廣聞之，因夫人而內其女娃贏孟姚也。孟姚

高云為上國祝
者秦昭也而迎之
秦昭也乃為秦
則武聖大福
也也卦

甚有寵於王。是為惠后十七年。王出九門。為野臺。以望
齊中山之境。十八年。秦武王與孟說舉龍文赤鼎。絕臙
而死。趙王使代相趙固迎公子稷於燕。送歸立為秦王。
是為昭王十九年。春正月。大朝信宮。召肥義與議天下。
五日而畢。王北略中山之地。至於房子。遂之代。北至無
窮。西至河。登黃華之上。召樓緩謀曰。我先王因世之變。
以長南藩之地。屬阻障。淦之險。立長城。又取藺郭狼。敗
林人於荏。而功未遂。今中山在我腹心。北有燕。東有胡。
西有林胡。樓煩。秦韓之邊。而無彊兵之救。是亡社稷。柰
何。夫有高世之名。必有遺俗之累。吾欲胡服。樓緩曰。善。

羣臣皆不欲。於是肥義侍王曰：簡襄主之烈，計胡翟之利，爲人臣者，寵有孝悌長幼順明之節，通有補民益主之業，此兩者，臣之分也。今吾欲繼襄主之跡，開於胡翟之鄉，而卒世不見也，爲敵弱用力少而功多，可以毋盡百姓之勞，而序往古之勲，夫有高世之功者，負遺俗之累；有獨智之慮者，任驚民之怨。今吾將胡服騎射以教百姓，而世必議寡人，柰何？肥義曰：臣聞疑事無功，疑行無名。王旣定負遺俗之慮，殆無顧天下之議矣。夫論至德者，不和於俗；成大功者，不謀於衆。昔者舜舞有苗，禹袒裸國，非以養欲而樂志也。務以論德而約功也。愚者

聞成事。智者覩未形。則王何疑焉。王曰。吾不疑胡服也。吾恐天下笑我也。狂夫之樂。智者哀焉。愚者所笑。賢者察焉。世有順我者。胡服之功。未可知也。雖驅世以笑我。胡地中山。吾必有之。於是遂胡服矣。使王緡告公子成曰。寡人胡服。將以朝也。亦欲叔服之。家聽於親。而國聽於君。古今之公行也。子不反親。臣不逆君。兄弟之通義也。今寡人作教。易服而叔不服。吾恐天下議之也。制國有常。利民爲本。從政有經。令行爲上。明德先論於賤。而行政先信於貴。今胡服之意。非以養欲而樂志也。事有所止。而功有所出。事成功立。然後善也。今寡人恐叔之

逆從政之經以輔叔之議且寡人聞之事利國者行無邪因貴戚者名不累故願慕公叔之義以成胡服之功使繅謂之叔請服焉公子成再拜稽首曰臣固聞王之胡服也臣不佞寢疾未能趨走以滋進也王命之臣敢對因竭其愚忠曰臣聞中國者蓋聰明徇智之所居也萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀赴也蠻夷之所義行也今王舍此而襲遠方之服變古之教易古之道逆人之心而佛學者離中國故臣願王圖之也使者以報王曰吾固聞叔之疾也我將自往請之

王遂往之公子成家。因自請之曰：夫服者所以使用也。禮者所以便事也。聖人觀鄉而順宜，因事而制禮，所以利其民而厚其國也。夫翦髮文身，錯臂左袵，甌越之民也。黑齒雕題，却冠絺紵，大吳之國也。故禮服莫同，其便一也。鄉異而用變，事異而禮易，是以聖人果可以利其國，不一其用，果可以便其事，不同其禮。儒者一師而俗異，中國同禮而教離，况於山谷之便乎？故去就之變，智者不能一，遠近之服，賢聖不能同。窮鄉多異，曲學多辨，不知而不疑，異於已而不非者，公焉而衆求盡善也。今叔之所言者，俗也。吾所言之者，所以制俗也。吾國東有河

薄洛之水與齊中山同之。無舟楫之用。自常山以至代。上黨東有燕東胡之境。而西有樓煩秦韓之邊。今無騎射之備。故寡人無舟楫之用。夾水居之民。將何以守河。薄洛之水。變服騎射。以備燕三胡秦韓之邊。予揣摩武靈王之胡服其所明告庭臣者曰。將以北伐中山。卻林胡樓煩也。然其雄心不獨爾。觀其異日。胡服西北。畧胡地。欲從雲中九原直襲秦。不幸而詐為使者入秦。卒為秦所覓耳。不然。武靈王因而招胡地。遠近引弓之國。於以長驅秦中。未可知也。且昔者簡主不塞晉陽。以及上黨。而襄主并戎。取代以攘諸胡。此愚智所明也。先時中山負齊之彊兵。侵暴吾地。係累吾民。引水圍鄣。微社稷之神靈。則鄣幾於不守也。先王醜之而怨。未能報也。今騎射之備近可。

以便上黨之形而遠可以報中山之怨未及心所欲言而叔軫國之俗

以逆簡襄之意惡變服之名以忘鄙事之醜非寡人之

所望也公子成再拜稽首曰臣愚不達於王之義敢道

世俗之聞臣之臯也今王將繼簡襄之意以順先王之

志臣敢不聽命乎再拜稽首乃賜胡服明日服而朝於

是始出胡服令也趙文趙造周音召昭趙俊皆諫止王毋胡

服如故法便王曰先王不同俗何古之法帝王不相襲

何禮之循處戲神農教而不誅黃帝堯舜誅而不怒及

至三王隨時制法因事制禮法度制令各順其宜衣服

器械各便其用故禮也不必一道而便國不必古聖人

之興也。不相襲而王。夏殷之衰也。不易禮而滅。然則反古未可非。而循禮未足多也。且服奇者志淫。則是鄒魯無奇行也。俗辟者民易。則是吳越無秀士也。且聖人利身謂之服。便事謂之禮。夫進退之節。衣服之制者。所以齊常民也。非所以論賢者也。故齊民與俗流。賢者與變俱。故諺曰。以書御者不盡馬之情。以古至今者不達事之變。循法之功。不足以高世。法古之學。不足以制今。子不及也。遂胡服招騎射。二十年。王畧中山地。至寧葭。西畧胡地。至榆中。林胡王獻馬。歸雄氣便樓。緩之。秦仇液之。韓王賁之。楚富丁之。魏趙爵之。齊代相趙固主。胡致其兵。

二十一年攻中山趙紹爲右軍許鈞爲左軍公子章爲

客兵

中軍王并將之牛翦將車騎趙希并將胡代趙與之陘

合軍曲陽攻取丹丘華陽鷗之塞王軍取鄣石邑封龍

東垣中山獻四邑和王許之罷兵二十三年攻中山二

十五年惠后卒使周紹胡服傳王子何二十六年復攻

中山攘地北至燕代西至雲中九原二十七年五月戊

申大朝於東宮傳國立王子何以爲王王廟見禮畢出

臨朝大夫悉爲臣肥義爲相國并傳王是爲惠文王惠

文王惠后吳娃子也武靈王自號爲主父主父欲令子

主治國而身胡服將士大夫西北略胡地而欲從雲中

高云因滅中山而
及代趙道通西
代道通而及封
幸代因封幸代
而及幸了信心作
亂最為一事取
錄也

九原直南襲秦於是詐自為使者入秦秦昭王不知已
而怪其狀甚偉非人臣之度使人逐之而主父馳已脫
關矣審問之乃主父也秦人大驚太史公到此却點出武靈王雄心之所以
故主父所以入秦者欲自略地形因觀秦王之為人也
惠文王二年主父行新地遂出代西遇樓煩王於西河
而致其兵三年滅中山遷其王於膚施起靈壽北地方
從代道大通還歸行賞大赦置酒酺五日封長子章為
代安陽君章素侈心不服其弟所立主父又使田不禮
相章也李兌謂肥義曰公子章彊壯而志驕黨眾而欲
大殆有私乎田不禮之為人也忍殺而驕二人相得必

有謀陰賊起。一出身徼幸。夫小人有欲。輕慮淺謀。徒見其利而不顧其害。同類相推。俱入禍門。以吾觀之。必不父矣。子任重而勢大。亂之所始。禍之所集也。子必先患仁者。愛萬物而智者。備禍於未形。不仁不智。何以爲國。子奚不稱疾毋出。傳政於公子成。毋爲怨府。毋爲禍梯。肥義曰。不可。昔者主父以王屬義也。曰。毋變而度。毋異而慮。堅守一心。以歿而世。義再拜受命而籍之。今畏不禮之難。而忘吾籍。變軌大焉。進受嚴命。退而不全。負孰甚焉。變負之臣。不容於刑。諺曰。死者復生。生者不愧。吾言已在前矣。吾欲全吾言。安得全吾身。且夫貞臣也。難

至而節見忠臣也。累至而行明子則有賜而忠我矣。雖
然吾有語在前者也。終不敢失。李兌曰。諾。子勉之矣。吾
見子已。今年耳。涕泣而出。李兌數見公子成。以備田不
禮之事。異日肥義謂信期曰。公子與田不禮甚可憂也。
其於義也。聲善而實惡。此爲人也不子不臣。吾聞之也。
姦臣在朝。國之殘也。讒臣在中。主之蠹也。此人貪而欲
大。內得主而外爲暴。矯令爲慢。以擅一旦之命。不難爲
也。禍且逮國。今吾憂之。夜不忘寐。飢而忘食。盜賊出入
不可不備。自今以來。若有召王者。必見吾面。我將先以
身當之。無故而王。乃入。信期曰。善哉。吾得聞此也。四年

朝羣臣安陽君亦來朝主父令王聽朝而自從旁觀窺羣臣宗室之禮見其長子章儼然也反北面爲臣詘於其弟心憐之於是乃欲分趙而王章於代計未決而輟主父及王游沙丘異宮公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成爲相號安平君李兌爲司寇公子章之敗往走主父主父聞之成兌因圍主父宮公子章死公子成李兌謀曰以章故圍主父即解兵吾屬夷矣乃遂圍主父令宮中人後出者夷

宮中人悉出。主父欲出不得。又不得食。探爵轂而食之。三月餘而餓死沙丘。宮主父定死。乃發喪赴諸侯。是時王少。成兌專政。畏誅。故圍主父。主父初以長子章爲太子。後得吳娃。愛之。爲不出者數歲。生子何。乃廢太子章而立何爲王。吳娃死。愛弛。憐故太子欲兩王之。猶豫未決。故亂起。而至父子俱死。爲天下笑。豈不痛乎。主父死。惠文王立。立五年。與燕鄭易。八年。城南行唐。九年。趙梁將與齊合軍攻韓。至魯關下。及十年。秦自置爲西帝。十一年。董叔與魏氏伐宋。得河陽於魏。秦取梗陽。十二年。趙梁將攻齊。十三年。韓徐爲將攻齊公。

主死十四年相國樂毅將趙齊韓魏燕攻齊取靈丘與秦會中陽十五年燕昭王來見趙與韓魏秦共擊齊齊王敗走燕獨深入取臨菑十六年秦復與趙數擊齊人患之蘇厲爲齊遺趙王書曰臣聞古之賢君其德行非布於海內也教順非洽於民人也祭祀時享非數常於鬼神也甘露降時雨至年穀豐熟民不疾疫衆人善之然而賢主圖之今足下之賢行功加非數加於秦也怨毒積怒非素深於齊也秦趙與國以彊徵兵於韓秦誠愛趙乎其實憎齊乎物之甚者賢主察之秦非愛趙而憎齊也欲亡韓而吞二周故以齊餒天下恐事之不合

言破秦滅趙之必
燕之南界秦之
東界相去三百
里趙國在中山也

故出兵以劫魏趙恐天下畏已也故出質以爲信恐天
下亟反也故徵兵於韓以威之聲以德與國而實伐空
韓臣以秦計爲必出於此夫物固有勢異而患同者楚
久伐而中山亡今齊久伐而韓必亡破齊王與六國分
其利也亡韓秦獨擅之收二周西敢祭器秦獨私之賦
田計功王之獲利孰與秦多說士之計曰韓亡三川魏
亡晉國市朝未變而禍已及矣燕盡齊之地地去沙丘
鉅鹿歛三百里韓之上黨去邯鄲百里燕秦謀王之河
山間三百里而通矣秦之上郡近挺關至於榆中者千
五百里秦以三郡攻王之上黨羊腸之西勾注之南非

王有已。踰勾注，斬常山而守之。三百里而通於燕代馬
胡犬不東下。昆山之玉不出。此三寶者，亦非王有已。王
久伐齊，從彊秦攻韓，其禍必至於此。願王孰慮之。且齊
之所以伐者，以事王也。天下屬行以謀王也。燕秦之約
成，而兵出有日矣。五國三分王之地，齊倍五國之約而
殉王之患，西兵以禁彊秦。秦廢帝請服，反高平根柔於
魏，反至分先俞於趙。齊之事王，宜爲上侮。而今乃抵臯。
臣恐天下後事王者之不敢自必也。願王孰計之也。今
王毋與天下攻齊，天下必以王爲義。齊抱社稷而厚事
王，天下必盡重王。義王以天下善秦，秦暴王以天下禁

之。是一世之名寵。制於王也。於是趙乃輒謝秦。不擊齊。王與燕王遇。廉頗將攻齊。昔陽取之。十七年。樂毅將趙師攻魏。伯陽而秦怨趙。不與已。擊齊伐趙。拔我兩城。十八年。秦拔我石城。王再之衛。東陽決河水伐魏氏。大潦漳水出。魏冉來相趙。十九年。秦敗我二城。趙與魏。伯陽趙奢將攻齊麥丘。取之。二十年。廉頗將攻齊。王與秦昭王遇西河外。二十一年。趙徙漳水武平西。二十二年。大疫。置公子丹爲太子。二十三年。樓昌將攻魏。幾不能取。十二月。廉頗將攻幾。取之。二十四年。廉頗將攻魏房子。拔之。因城而還。又攻安陽。取之。二十五年。燕周將攻昌。

城高唐取之。與魏共擊秦。秦將白起破我華陽。得一將軍。二十六年。取東胡。歐代地。二十七年。徙漳水。武平南。封趙豹爲平陽君。河水出大漆。二十八年。藺相如伐齊。至平邑。罷城北九門大城。燕將成安君公孫操弑其王。二十九年。秦韓相攻。而圍閼。與趙使趙奢將。擊秦。大破秦軍。閼與下。賜號爲馬服君。三十三年。惠文王卒。太子丹立。是爲孝成王。孝成王元年。秦伐我。拔三城。趙王新立。太后用事。秦急攻之。趙氏求救於齊。齊曰。必以長安君爲質。兵乃出。太后不許。大臣彊諫。太后明謂左右曰。復言長安君爲質者。老婦必唾其面。左師觸龍言。願見太

入以物此是錯也
通此則迎而解

后太后盛氣而胥之入徐趨而坐自謝曰老臣病足曾不能疾走不得見久矣竊自恕而恐太后體之有所苦也故願望見太后太后曰老婦恃輦而行日食得毋衰乎曰恃粥耳曰老臣聞者殊不欲食乃彊步日三四里少益嗜食和於身也太后曰老婦不能太后不和之色少解左師公曰老臣賤息舒祺最少不肯而臣衷竊憐愛之願得補黑衣之缺以衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚於婦人太后笑曰婦人異甚對曰老臣竊以爲媼之愛燕后賢於長安

前俱後而至
乃用急

以前急明
急初急後

君太后曰君過矣不若長安君之甚左師公曰父母愛
子則爲之計深遠媼之送燕后也持其踵爲之泣念其
遠也亦哀之矣已行非不思也祭祀則祝之曰必勿使
反豈非計長久爲子孫相繼爲王也哉太后曰然左師
公曰今三世以前至於趙主之子孫爲侯者其繼有在
者乎曰無有曰微獨趙諸侯有在者乎曰老婦不聞也
曰此其近者禍及其身遠者及其子孫豈人主之子侯
則不善哉位尊而無功情事易明奉厚而無勞而挾重器多也今
媼尊長安君之位而封之以膏腴之地多與之重器而
不及今令有有功於國一旦山陵崩長安君何以自託於

高云陽中凡四
 象首多子俱以
 徵吉凶了預此
 而即以此文
 昭應也

越老臣以媼為長安君之計短也。故以為愛之不若燕
 后。太后曰：諾。恣君之所使之。於是為長安君約車百乘。
 質於齊。齊兵乃出。子義聞之曰：人主之子，骨肉之親也，
 猶不能持無功之尊，無勞之奉，而守金玉之重也。而况
 於子乎？齊安平君田單將趙師而攻燕中陽，拔之。又攻
 韓注人，拔之。二年，惠文后卒。田單為相四年。王夢衣偏
 餐之衣，乘飛龍上天。不至而墜，見金玉之積如山。明日
 王召筮史，敢占之。曰：夢衣偏餐之衣者，殘也。乘飛龍上
 天，不至而墜者，有氣而無實也。見金玉之積如山者，憂
 也。後三日，韓氏上黨守馮亭使者至，曰：韓不能守上黨，入

高云趙之強而
不振其在長平
一戰敗魏門上
了程詳

之於秦其吏民皆安爲趙不欲爲秦有城市邑十七願
再拜入之趙聽王所以賜吏民王大喜召平陽君豹告
之曰馮亭入城市邑十七受之何如對曰聖人甚禍無
故之利王曰人懷吾德何謂無故乎對曰夫秦蠶食韓
氏地中絕不令相通固自以爲坐而受上黨之地也韓
氏所以不入於秦者欲嫁其禍於趙也秦服其勞而趙
受其利雖彊大不能得之於小弱小弱顧能得之於彊
大乎豈可謂非無故之利哉且夫秦以牛田之水通糧
蠶食上戰第一乘倍戰者裂上國之地其政行不可與爲難必
勿受也王曰今發百萬之軍而攻踰年歷歲未得一城

高至党要地安
趙魏秦三國必
爭趙更得上党
則秦兵必及趙
不待言此後趙
免慮頗不恤而
與魏并力拒秦
四十餘年矣

也。今以城市邑十七幣吾國，此大利也。趙豹出，王召平原君與趙禹而告之。對曰：「發百萬之軍而攻踰歲未得一城，今坐受城市邑十七，此大利不可失也。」王曰：「善。」乃命趙勝受地，告馮亭曰：「敝國使者臣勝，敝國君使勝致命以萬戶都三封，太守千戶都三封，縣令皆世世為侯吏民皆益爵三級，吏民能相安，皆賜之六金。」馮亭垂涕不見使者，曰：「吾不處三不義也。」為主守地，不能死，固不義一矣。入之秦，不聽主令，不義二矣。賣主地而食之，不義三矣。趙遂發兵取上黨，廉頗將軍軍長平。七年，廉頗免，而趙括代將秦人圍趙括。趙括以軍降，卒四十餘萬。

而得良將之則
秦必敗矣何而
行存受以爲趙
三浮與趙平前
妻之秦丹已同
久惟不悔而將
振振妻四十而
鮑鮑耳則趙
了最失計此在
代始一將而受
孫立竟枉事爲
失也

皆阮之王悔不聽趙豹之計故有長平之禍焉王還不
聽秦秦圖邯鄲武垣令傳豹王容蘇射率燕衆反燕地
趙以靈丘封楚相春申君八年平原君如楚請救還楚
來救及魏公子無忌亦來救秦圍邯鄲乃解十年燕攻
昌壯五月拔之趙將樂乘慶舍攻秦信梁軍破之太子
死而秦攻西周拔之徙父祺出十一年城元氏縣上原
武陽君鄭安平死收其地十二年邯鄲詹燒十四年平
原君趙勝死十五年以尉文封相國廉頗爲信平君燕
王令丞相栗腹約驪以五百金爲趙王酒還歸報燕王
曰趙氏壯者皆卒長平其孤未壯可伐也王召昌國君

樂閒而問之。對曰：趙四戰之國也。其民習兵，伐之不可。王曰：吾以衆伐寡，二而伐一，可乎？對曰：不可。王曰：吾即以五而伐一，可乎？對曰：不可。燕王大怒，羣臣皆以爲可。燕卒起二軍，車二千乘，栗腹將而攻鄒。卿秦將而攻代。廉頗爲趙將，破殺栗腹，虜卿。秦樂閒十六年，廉頗圍燕。以樂乘爲武襄君。十七年，假相大將武襄君攻燕，圍其國。十八年，延陵鈞率師從相國信平君助魏攻燕。秦拔我榆次三十七城。十九年，趙與燕易土，以龍亢汾門臨樂與。燕以葛武陽平舒與趙。二十年，秦王政初立，秦拔我晉陽。二十一年，孝成王卒，廉頗將攻繁陽，取之。使

史記卷之二十一 七 河四百四十一

樂乘代之廉頗攻樂乘樂乘走廉頗亡入魏子偃立是
爲悼襄王悼襄王元年大備魏欲通平邑中牟之道不
成二年李牧將攻燕拔武遂方城秦召春平君因而留
之泄鈞爲之謂文信侯曰春平君者趙王甚愛之而郎
中妬之故相與謀曰春平君入秦秦必留之故相與謀
而內之秦也今君留之是絕趙而郎中之計中也君不
如遣春平君而留平都春平君者言行信於王王必厚
割趙而贖平都文信侯曰善因遣之城韓臯三年龐暖
將攻燕禽其將劇辛四年龐暖將趙楚魏燕之銳師攻
秦叢不拔是時縱已解而龐暖何以能率趙楚魏燕之師以攻秦移攻齊取饒安

五年傳抵將居平邑慶舍將東陽河外師守河梁六年
封長安君以饒魏與趙鄴九年趙攻燕取狸陽城兵未
罷秦攻鄴拔之悼襄王卒子幽繆王遷立幽繆王遷元
年城柏人二年秦攻武城卮輒率師救之軍敗死焉三
年秦攻赤麗宜安李牧率師與戰肥下却之封牧爲武
安君四年秦攻番吾李牧與之戰却之五年代地大動
自樂徐以西北至平陰臺屋牆垣大半壞地坼東西百
三十步六年大饑民謠言曰趙爲號秦爲笑以爲不信
視地之生毛七年秦人攻趙趙大將李牧將軍司馬尚
將擊之李牧誅司馬尚免趙忽及齊將顏聚代之趙忽

軍破。顏聚亡去。以王遷降。八年十月，邯鄲爲秦。

太史公曰：吾聞馮王孫曰：趙王遷，其母倡也。嬖於悼襄

王。悼襄王廢適子嘉而立遷。遷素無行，信讒故誅其良

將李牧，用郭開，豈不謬哉！秦既虜遷，趙之亡大夫共立

嘉爲王。王代六歲，秦進兵破嘉，遂滅趙，以爲郡。太史公論趙世

家獨及王遷者，以遷信讒誅將趙宗，以覆蓋罪之。太史公凡于美刺，但揭其要者，此始一端耳。

趙世家終





